

海國公餘輯錄

黃遵憲署檢

海國公餘輯錄

黃通憲君編

海國公餘輯錄卷四

嘉應張煜南榕軒輯

弟鴻南耀軒校

目錄

論

南洋各島推廣商局論

南洋各島國論

吳曾英

南洋諸島致富強論

南洋論

陳次亮

變通商務論

商政論

通商國以英吉利爲最強論

商務論

陳次亮

西法論

中國人浮於事論

華人習西學文藝並重論

中西之學宜並取兼收論

培植人才宜擇當務之急論

崇聖學以廣教化論

議

外洋招工照會議

續華傭出洋防弊議

采西學議

馮桂芬

疏

總理衙門奏覆御史王鵬運奏請講求商務疏
黃楫材奏取洋學以羅人才疏

張香帥派員查明南洋商務情形擬設領事疏
說

酌設領事說

陳次亮

大興商埠說

陳次亮

多製兵輪護商說

地球說

風颭說

藝成於學說

高雲麟

季麒光

海國公餘輯錄卷四

嘉應張煜南榕軒輯

弟鴻南耀軒校

南洋各島推廣商局論

南洋各島從前皆徯徯榛榛未通教化其境雖與中國相通而亦不甚往來明時太監鄭和曾乘樓船將兵卒以臨其地各島酋長懾於兵威又利中國玉帛多望風歸附願爲藩臣然鄭和刑餘之人祇知貪其寶貨虛張聲勢既不能要結名島之心使隱爲我用又不能察其風土人情以爲遠圖故終明之世卒不能撫有其地

國朝疆宇之廣超越前代正朔所頒南盡瓊洋然於南洋各島則聽其互相雄長從未嘗以一矢加遺稍有長其土地人民之計蓋彼時未與西國通商原不待長駕遠馭敝中國以事南洋也自歐美東南大局一變西人越重洋數萬里而至亞洲進退皆非易事今見南洋各島地土之沃饒人民之富庶物產之豐盈寶藏之充牣甲於他處正可視爲東道主人供其匱乏於是經營開闢盡據各島以爲屬地旣庶且富大非昔比陰撒中國之藩籬竟屬西邦之外府良足惜也查南洋諸島棋布星羅除澳大利亞一洲外爲最大

之島有四曰婆羅洲曰蘇門答臘曰爪亞曰西里百
四者之中又各有大埠華人之流寓者不下二三百
萬雖處外洋不忘中國其間豈乏奇才異能之士思
舍異族而歸附中原者縱不能一旦奪人之所有而
利之似可從推廣商務之中漸寓收回利權之意亦
亡羊補牢之一策也查內地銷往南洋之貨如食物
緞匹顧繡之屬南洋銷往內地者如海參燕窩檀香
之屬均不可枚舉皆由外洋公司輪船攬載其利盡
爲西人所得間有商家自脩輪船者卒不多觀今宜
推廣商局於華人最多之各島逐漸設立內地招商

局之例惟須奏明特派熟悉時事精明幹練之大員專意講求商務以出洋欽使大臣督其成如一時不能多立商局則於著名處所先設一局以爲嚆矢餘則輔以商辦宜勸各商倣外洋郵船公司之例合股創立公司置船來往內地由中國領事官爲之保護南洋富商不少誠得中國官力爲護持必有聞風興起者蓋此舉有六善焉分西人數十年獨擅之利使中國商民不致寄人籬下爲苦其善一南洋雖近聲氣究嫌隔絕今得中國之船來往則各島之消息既靈內地之風氣益開其善二既有中國之船將來愈

推愈廣由內地往南洋者必多卽由南洋往內地者亦必多不至使數百萬華民老死不知中土其善三商務旣感中國兵輪可以常川停駐外借保護之名內求厯鍊之實微特震我

皇威

抑且戢彼狡計其善四由南洋而至亞洲美洲步步爲營節節推廣將來可以自往泰西運貨貿易不至終居人後其善五開中國未有之利源而又默與轉移設法挽回務使南洋各島仍爲亞洲之門戶不終爲歐美之爪牙其事雖非旦夕可期而究有一朝可望其善六此非故作大言也理有所必至勢有所必

然特患中國不能留意及此耳況創設商局與設立
領事難易迥別今南洋各島設立領事漸有成議則
商局一節更不難從容設措亦何憚而不爲乎不知
留心時務之君子其亦以爲然否耶

南洋各島國論

中西關鍵全在南洋今欲嚴中國門戶之防絕外夷
覬覦之漸必自經理南洋始南洋之東西諸島環繞
儼然海國長城殆天造地設之險以保我中夏者也
漢以後職貢稱臣共球相屬南洋從無西夷患梁書
天竺傳稱與安息大秦在海中交易不聞設埠也唐
書訶陵傳稱大食畏悉莫之威不敢加兵不聞據土
也是時嶺南海間珍寶山積中國權其賦稅以充斥
天府號爲南庫島國之利抑亦中國之利也迨有明
中葉葡萄牙西班牙荷蘭接踵西來葡萄牙據滿刺

加地間漸及於內地之澳門西班牙襲取日宋荷蘭
則攘奪瓜哇三佛齊蘇門答臘浮泥文萊馬神吉理
間諸國地又從而鼓棹月港盤踞臺灣肆擾舟山普
陀雖逾時揚帆西遁然彼西夷巢穴已布滿南洋矣
邇來英吉利法蘭西內侮之始又以南洋爲逆旅其
故何哉地不與中國毗連密邇而口岸斜對西國船
用夾板火輪遞相接應近者一二日遠者五六日徧
歷諸島諸島之達中國亦復如之方今南洋濱海之
國印度全境爲所有卽越南暹羅緬甸素隸輿屬者
亦皆割地輸金大受挾制加以南洋中荒島如澳大

利亞巴布亞西里百摩麗加大小無慮數十彼皆望
關招徠日漸富庶處心積慮可爲寒心履霜望冰其
來有自嘗慨有明之假以澳門及置呂宋瓜哇諸國
於度外者實與棄大甯東勝河套哈密同一失策元
代好尚武功史弼之征瓜哇亦不爲無見惜功未立
耳至今日而盤踞有年欲如鄭氏之驅逐紅毛固萬
不可得惟西夷法相強弱頗有六國縱橫氣象近則
稱雄西土威推德奧與幾與俄美並駕齊驅英法間已
稍遜至荷蘭葡萄牙於西夷中最爲弱小西班牙亦
非甚大其橫噬南洋將來變遷實可預料卽如亞墨

利加本英吉利屬部自華威頓起而立國至今與諸
大國抗衡我未見南洋諸島中國人民立業者億萬
必無華威頓其人也且美之開國以英人殘虐故今
中國商於南洋亦多畏苦今若設官其地與之立約
不准掊克聚歛虐我商民彼不奉約偕各國公使執
萬國公法與彼理論如商民中有雄傑出衆者授以
領事等職俾審其山川之向背圖其幅員之廣狹測
量其海道之淺深並偵探西夷動靜以聞西夷如有
勾引東洋潛謀爲害於中國中國得而預備此卽漢
家隔絕羌胡之微意也况今器械精良仿模西法海

疆有事命將出師參用夷夏漢鼂錯有言以蠻夷攻
蠻夷中國之長技也於南洋乎何有